

歷代職官表

冊七

THE HISTORY OF THE

1711

珍做宋版印
判官判官經歷經歷

判官

推官

官檢官幹
法辦

知事知事知事

照磨 照磨

歷經司察按

按察司知事

磨照司察按

各省兵備水利屯田等道

監大夫

使	防	使	團	支	觀
禦	禦	禦	練	使	察
		使	防	使	團
		禦	禦	使	練
司	渠	三	茶	提	舉
	諸	白	馬	使	團
					練

使	勸	安	團	使	屯
	農	撫	練		田
撫	水	屯	驛	糧	派
民	利	田	傳	儲	管

派管糧儲驛傳屯田水利撫民等事
派管兵備巡海清軍招練等事

司道

國朝官制

承宣布政使司布政使

從二品

直隸山東山西河南江寧蘇州安徽江西福建浙

江湖北湖南陝西甘肅四川廣東廣西雲南貴州各一人

布政使掌一省之政司錢穀之出納

朝廷有德澤禁令承流宣布以達於有司闔省僚屬以時頒其祿俸滿秩廉其稱職不稱職報督撫以達於吏部十年會戶版均稅役登民數田數以達於戶部凡有大興革及諸政務會議經畫定報於督撫而行之

國初每省設承宣布政使司置左右布政使各一人順治十八年分江南布政使司爲江蘇安徽各二人康熙二年分陝西布政使司爲陝西甘肅各二人三年分湖廣布政使司爲湖北湖南各二人六年去左右繫銜每省止設布政使一人初以直隸近在畿甸不設藩司以口北守道兼山西布政司銜康熙八年增設直隸守道一人總司錢穀雍正二年改爲布政使

乾隆二十五年分江蘇布政使爲江寧蘇州各一人

布政使司經歷從六品直隸山東山西河南江蘇安徽江西福建浙江湖北陝西

四川廣東廣西雲南貴州各一人理問從六品直隸江寧蘇州江西浙江湖南陝

西雲南各一人都事從七品江南福建各一人照磨從八品山西福建浙江湖北甘

肅四川廣東各一人庫大使正八品直隸山東山西河南江寧蘇州安徽江西福

建浙江湖北湖南陝西甘肅四川廣東廣西雲南貴州各一人倉大使從九品安

徽一人

經歷掌出納文書理問掌勘核刑名都事掌受發文移照磨掌照刷卷宗

庫大使掌司庫藏之出入倉大使掌檢稽倉庾經歷等官員額俱康熙六

年定直隸員額雍正二年定理問初各布政使俱設惟貴州不置康熙三

十八年省福建廣東廣西四川各一人雍正二年又省山東山西河南安

徽湖北甘肅各一人乾隆二十五年增設江寧一人都事初置福建河南

江西山西布政司各一人康熙三十八年省江西山西二人照磨初各布

政司俱置康熙三十八年省山東河南廣西雲南江蘇安徽江西陝西湖
南貴州各一人庫大使初置山西三人江南湖廣各二人浙江江西福建
山東河南陝西廣東雲南貴州各一人後省山西二人乾隆元年又增置
直隸甘肅四川各一人二十五年增設江寧一人又初置有各布政司檢
校庫副使寶源局大使副使等官後俱省

提刑按察使司按察使

正三品

直隸山東山西河南江蘇安徽江西福建浙江湖

北湖南陝西甘肅四川廣東廣西雲南貴州各一人

按察使掌全省刑名按劾之事振揚風紀澄清吏治大者與藩司會議以
聽於部院理合省之驛傳三年大比爲監試官大計爲攷察官秋審爲主
稿官與布政司稱兩司員額順治間定河南陝西湖廣分省添設與布政
使同初直隸不設臬司以大名巡道兼河道按察使銜通永天津道俱兼
山東按察使銜霸昌井陘道俱兼山西按察使銜康熙八年增設直隸巡
道一人總理刑名三十八年省井陘道雍正二年改直隸巡道爲按察使

按察使司經歷

正七品

直隸山東山西河南江蘇江西福建浙江湖北陝西四川

廣東廣西雲南各一人知事

正八品

江西一人照磨

正九品

安徽福建浙江湖南甘

肅廣東貴州各一人司獄

從九品

直隸山東山西河南江蘇安徽江西福建浙江

湖北湖南陝西四川廣東廣西雲南貴州各一人

經歷照磨職掌與布政司屬同知事掌勘察刑名司獄掌管理繫囚經歷

等官員額俱康熙六年定直隸員額雍正二年定知事初設江西福建山

西廣東廣西各一人康熙三十八年裁福建山西廣東廣西各一人照磨

初每省一人康熙三十八年裁山東河南江西廣西雲南江蘇陝西山西

湖北四川各一人又初置有各省檢校後俱省

各道

初制參政道從三品副使道正四品參議道從四品僉事道正五品乾隆十八年省去兼銜俱改爲正四品

直隸口北道霸昌

道通永道天津道清河道大名道熱河道各一人山東督糧道濟東泰武臨道

登萊青道兗沂曹道各一人山西冀寧道河東道雁平道歸綏道各一人河南

開歸陳許道糧鹽道南汝光道河北道河陝汝道各一人江南江安糧儲道蘇

松糧儲道常鎮通道松太道鹽巡道鳳廬道寧池太廣道各一人浙江督糧道
鹽法道寧紹台道溫處道杭嘉湖道金衢嚴道各一人江西督糧道鹽法道廣
饒九南道吉南贛寧道各一人福建督糧道鹽法道興泉永道延建邵道汀漳
龍道臺灣道各一人湖北督糧道鹽法道荆宜施道安襄鄖道武漢黃德道各
一人湖南糧儲道鹽法長寶道衡永郴桂道岳常澧道辰永沅靖道各一人陝
西督糧道鹽法道潼商道漢興道延榆綏道各一人甘肅甘涼道平慶道鞏秦
階道蘭州道寧夏道西寧道安肅道鎮迪道各一人四川鹽茶馬道松茂道川
東道建昌道永寧道川北道各一人廣東督糧道惠潮嘉道肇羅道雷瓊道南
韶連道高廉道各一人廣西蒼梧道左江道右江道各一人雲南糧儲道鹽法
道迤西道迤東道迤南道各一人貴州督糧道貴西道古州道各一人

分守分巡及糧儲鹽法各道或兼兵備或兼河務或兼水利或兼學政或
兼茶馬屯田或以糧鹽兼分巡之事皆掌佐藩臬覈官吏課農桑興賢能
礪風俗簡軍實固封守以倡所屬而廉察其政治

國初設布政司左右參政參議曰守道設按察使副使僉事曰巡道有通轄全省者有分轄三四府州者各以職事設立於要地後因時裁設銜額無定均視其陞補之本職爲差如由京堂等官補授者爲參政道由掌印給事中知府補授者爲副使道由科道補授者爲參議道由郎中員外主事同知補授者爲僉事道守巡皆同乾隆十八年省去參政參議副使僉事等銜定爲守巡各道職秩彌昭畫一焉

各道庫大使

從九品

直隸山東江西福建浙江湖北湖南雲南各一人江蘇二人

倉大使

未入流

陝西廣東各一人

庫倉大使掌各道之庫藏倉庾皆因所掌之事先後設定員額

歷代建置

謹案監司分職實爲方面之重任劉昭續漢書註引晉太康詔曰二千石專治民之重監司清峻於上吳曾能改齋漫錄引晉徐邈與范甯書曰擇公方之人以爲監司謂監司之名始此蓋皆指當時刺史言之至

於藩臬分職攷之於古惟唐轉運觀察諸使爲之權輿至宋之轉運使掌經度一路財賦吏蠹民瘼悉條以上達爲今布政使之所由始提點刑獄掌察所部獄訟平其曲直及專舉刺官吏之事爲今按察使之所由始溯而上之漢代專重郡守其臨郡國之上者惟十三部刺史蓋郡守地大而權重有事得以專達秩至二千石如今之二三品治效著聞則璽書勉勵增秩賜金其高第卽入爲卿相故朝廷不復多設官以臨制之唯刺史以下大夫而臨二千石職專舉刺八月行部錄囚徒攷殿最歲盡入奏所薦得爲九卿所劾輒從黜罷是刺史一官固兼有今日司道之任也魏晉以後刺史益重其兼都督帶持節者已如今日之督撫卽單車刺史專制一方亦別無大府以臨其上然綜理郡縣而受其成爲守令風教之所自出則其司存有由來也隋始罷州惟立總管唐則有採訪按察觀察處置之名轉運租庸度支營田之職兩司分理實啓其概而諸道分巡防禦團練又爲守巡兵備之所託始蓋監司之設

至是漸廣宋裁藩鎮之權而帥漕憲倉之職始重元立行省藩司之職實寓於參知政事復設肅政廉訪以重提刑之寄明初亦設行省旋改參知政事爲承宣布政使其提刑按察使則卽宋提點元廉訪之舊職而參政參議副使僉事諸職備焉惟是兩司上承督撫而復參之以巡按雖倣漢氏刺史之遺意而統沍爲太煩下轄諸道而均繫以藩臬之銜亦未足以專其表率也我

朝監古定制兩司諸道各專其職以倡率府縣而歸其成於督撫綱紀肅清酌繁簡而立其中有非前古所可企及者今歷攷前史自唐之轉運使觀察使始列於表其前此者如成周之方伯秦之監御史漢以後之刺史職掌相近而品秩較易則並隨條疏證於後以明其同異分合之故而不復列於表焉

三代

〔周禮春官大宗伯注〕鄭司農云長諸侯爲方伯

謹案布政使稱曰藩司亦稱方伯攷周申侯爲宣王方伯式是南邦而蕃宣詠於周雅蕃卽藩司也藩司肇名蓋由於此其以承宣繫銜亦本於此惟古之方伯實長諸侯之國卽以侯伯之賢者爲之非今藩司所可比擬而統臨諸國督率全省與今藩司之表率各府州縣約略相等故敘列其概以稽稱名之故也

〔尙書康誥〕外事汝陳時臬司師茲殷罰有倫

謹案按察使稱爲臬司臬法也其語始見於康誥攷呂祖謙尙書精義云外事衛國之事康叔爲周司寇王朝之官職任內事故以衛國爲外事又攷孔穎達尙書疏云孟侯五侯之長謂方伯康叔爲之卽州牧也是康叔以列侯爲方伯而康誥一篇於明罰敕法三致意焉蓋實今日方面提刑之所託始而臬司所由稱也厥後呂刑之誥四方一則曰四方司政典獄非爾惟作天牧一則曰官伯族姓其訓戒於四方牧伯尤爲惓惓知成周之制九州牧長皆重訓刑之職矣